

甯海乞化書紙旗上

害風人問有何憑術法俱無總不能每日作爲只此是上頭喫飯下頭登

贈登州奉道

一輪明月吐光輝桂樹香傳十九枝正到中更當子午放開靈耀射瑤池

贈馬鈺先生嘗於陝西作此詩及到甯海軍馬鈺初相見得姓名再書以贈之

一別終南水竹村家無兒女亦無孫三千里外尋知友引入長生不死門

道藏輯要

重陽全真集

三

上曹集一

白晝骷髏

此是前生王害風因何偏愛走西東任你骷髏郊野外逍遙一性月明中

贈皇哥

多收慧草廣添油一點明燈在裏頭照見五門皆洞達教公拍手笑無休

贈孫二姑二姑乃馬鈺室家先生兩次以梨剖剖與夫妻分食之意欲俱化也鈺從化一年許孫氏亦出家奉道

分梨十化是前年天與佳時主自然爲甚當時不出離元來直待結金蓮